

Funded  
by the European Union



Implemented  
by the Council of Europe

## Projekti kundër Korrupsionit në Shqipëri (PACA)

Buletini i Aktiviteteve • Shtator 2011 – Shkurt 2012 • Volumi 6  
[www.coe.int/paca](http://www.coe.int/paca)

### Aktivitetet e PACA-s për muajt shtator 2011- shkurt 2012

- **Aktiviteti mbi reformimin e sistemit të imuniteteve në Shqipëri**



Më 18 tetor 2011 PACA zhvilloi një aktivitet të përbashkët me projektin "Konsolidimi i sistemit shqiptar të drejtësisë" (Euralius) i financuar nga BE, me temë "Reformimi i sistemit të imuniteteve në Shqipëri, rruga përpara". Aktiviteti u ndoq nga rreth 80 pjesmarrës, dhe në të mbajtën fjalën Presidenti i Republikës së Shqipërisë Z. Bamir Topi, Ambasadori dhe Kreu i Delegacionit të Bashkimit Europian në Shqipëri Z. Ettore Sequi, Kreu i Zyrës së Këshillit të Europës në Shqipëri Z. Marco Leidekker, Ministri i Drejtësisë Z. Eduard Halimi, Prokurorja e Përgjithshme Znj. Ina Rama, Gjyqtari i Gjykatës së Lartë Z. Ardian Dvorani, si dhe Kryetari dhe Zëvendës-Kryetari i Komisionit Parlamentar të Ligjeve. Projektet PACA dhe Euralius paraqitën rekomandimet e tyre mbi heqjen/kufizimin e imuniteteve për zyrtarët e zgjedhur dhe gjyqtarët, palët zyrtare të interesuara paraqitën qëndrimet e tyre

ndaj propozimeve të bëra nga të dy projektet.

- **Bashkëndimi dhe monitorimi i Planit të Veprimit Antikorrupsion**

Më 6 shkurt 2012 PACA zhvilloi një trajnim për Sekretariatën Teknik të Grupit Ndërmnistror të Punës për monitorimin e zbatimit të Strategjisë Antikorrupsion. Më 20 shkurt 2012 projekti PACA organizoi një forum të OJQ/palë të interesuara për të diskutuar përmbajtjen e Planit të Veprimit Antikorrupsion 2011-2013 dhe përpjekjet për të monitoruar zbatimin e tij.

- **Trajnim mbi "rezistencën ndaj korrupsionit"**

Në datat 15-16 nëntor 2011 PACA organizoi një trajnim të përbashkët me projektin Euralius për përdorimin e "Manualit të hartimit të ligjeve" të Ministrisë së Drejtësisë. PACA prezantoi modulën e trajnimit mbi "Shtojcën e Manualit të hartimit të ligjeve" "Skanimi i projekt ligjeve për të shmangur reziqet për korrupsion". Gjatë trajnimit shtojca iu shpërnda ministrive për t'ia bashkëngjitur Manualit.

Ky dokument është mundësuar me mbështetjen financiare të Bashkimit Europian.  
Pikëpamjet e shprehura në të nuk mundën në asnjë mënyrë të konsiderohen se pasqyrojnë opinionin zyrtar të Bashkimit Europian apo të Këshillit të Europës

- ***Pastrimi i parave, agjencitë ligjzbatuese dhe gjyqësori, udhëzuesi dhe trajnimet***

Në nëntor 2011 PACA përmbylli programin e saj intensiv të trajnimeve për hetimin e korrupsionit dhe të pastrimit të parave. Në vijim të tre trajnimeve të trajnuesve të ofruara për Policinë e Shtetit, Prokurorinë e Shtetit dhe gjyqësorin mbi të gjitha aspektet e hetimit si dhe të parashtrimit në gjykatë. Në datat 15-18 nëntor 2011, pesë trajnuesit e policisë trajnuan oficerë të tjerë të policisë shqiptare dhe në datat 22-25 nëntor 2011, katër trajnuesit e tjerë bënë të njëjtën gjë me prokurorë dhe gjyqtarë. Të dy trajnimet u organizuan dhe u vëzhguan nga PACA.

Në janar 2012 PACA përfundoi hartimin e një Udhëzuesi mbi personat e ekspozuar politikisht (PEP) dhe ia paraqiti Drejtorisë së Përgjithshme të Parandalimit të Pastrimit të Parave. Më 26 janar 2012 PACA zhvilloi një trajnim për specialistët e përputhshmërisë nga sektori bankar dhe nga institucione të tjera të sektorit privat, se si të adoptojnë dhe zbatojnë politikat në lidhje me PEP, si pjesë e detyrimeve të tyre në kuadrin e parandalimit të pastrimit të parave.

- ***Deklarimet e pasurive dhe shkëmbimi i informacionit.***

Në nëntor 2011 PACA përfundoi hartimin e memorandumeve të propozara të mirëkuptimit mbi shkëmbimin e informacionit mes Inspektoratit të Lartë të Deklarimit dhe Kontrollit të Pasurive (ILDKP) dhe tre institucioneve kyçe: Zyra Qendrore e Regjistrimit të Pasurive të Paluajtshme (ZQRPP), Drejtoria e Përgjithshme e Shërbimeve të Transportit Rrugor (DPSHTRR) dhe Agjencia për Legalizimin, Urbanizimin dhe Integrimin e Zonave dhe Ndërtimeve Informale (ALUIZNI). Memorandumet e mirëkuptimit kanë për qëllim t'i sigurojnë ILDKP-së marrjen e informacionit që i duhet për të verifikuar pasuritë e zyrtarëve publikë të cilët janë të detyruar me ligj të deklarojnë të ardhurat dhe pasuritë e tyre. Memorandumi i mirëkuptimit me ALUIZNI-n u nënshkrua zyrtarisht në janar 2012.

- ***Edukimi kundër korrupsionit***

Në periudhën shtator 2011 - shkurt 2012 PACA ndërmoi një dialog intensiv me Ministrinë e Arsimit dhe Shkencës (MASH) për të diskutuar rekomandimet e dy vlerësimeve të saj të riskut për korrupsion të sistemit arsimor shqiptar. Dialogu kulmoi në një sërë takimesh mes ekspertëve të PACA-s dhe zyrtarëve të MASH në janar 2012 dhe në një aktivitet me OJQ/palë të interesuara të mbajtur më 18 janar 2012. Në shkurt 2012 PACA përfundoi printimin e një manuali kurrikule për "Edukimin kundër korrupsionit", i cili do t'u mundësojë shkollave nëntë vjeçare dhe të mesme të përfshijnë çështjet e antikorrupsionit në kurrikulat shkollore.

- ***Takimi i Komitetit Drejtues***

Më 11 nëntor 2011 u mbajt Takimi i gjashtë i Komitetit Drejtues të projektit PACA. Takimi i ardhshëm do të mbahet më 29 shkurt 2012.

<b>Kontakt</b>	
<b>Strasbourg (France)</b>	<b>Tiranë (Shqipëri)</b>
<p>Njësia e Krimit Ekonomik Drejtoria e Shoqërisë së Informacionit dhe Veprimit kundër Krimit Drejtoria e Përgjithshme I – Të Drejtat e Njeriut dhe Sundimi i Ligjit Këshilli i Europës, F-67075 Strasbourg Cedex, FRANCE Tel: +33 3 88 41 29 76; Fax: +33 3 90 21 5650 <a href="mailto:lado.lalovic@coe.int">lado.lalovic@coe.int</a> <a href="http://www.coe.int/economiccrime">www.coe.int/economiccrime</a></p>	<p>Ekipi i Projektit PACA Godina e Këshillit të Ministriva Bulevardi "Deshmorët e Kombit" Nr. 1, 1000 Tiranë, Shqipëri Tel: + 355 42 24 70 80 Fax: + 355 42 24 89 40 <a href="mailto:arben.lila@coe.int">arben.lila@coe.int</a> <a href="http://www.coe.int/paca">www.coe.int/paca</a></p>